

《論語》中的漢語成語和格言

(The Idioms and Maxims from *The Analects of Confucius*)

陳 潮

Abstract: *The Analects of Confucius* (《論語》) is undisputably a magnum opus imbued with Confucius's ideology. *The Analects* were affluent with idioms and maxims which well preserve the sparks of Confucius's wisdom. Confucius's marvelous quotes from *The Book of Songs* (《詩經》) and elaborate usage of metaphors and parallel verses were cast into these impressive idioms and maxims which had significant influence on the Chinese language. This essay will serve to sort out and edit all the idioms and maxims from *The Analects*, rearranged in order and accompanied with reference to the literary allusions. The original texts of the literary allusions will also be incorporated thereafter for the convenience of readers.

Key Words: 1、孔子 Confucius 2、論語 *the Analects of Confucius*
3、成語 *idioms* 4、格言 *maxims*

序 言

生活於 2500 年前的孔子，畢其一生之努力，為人類留下了影響深遠的思想文化遺產。孔子思想的許多精彩篇章，保存在《論語》所見的大量成語和格言之中，這些豐富而生動的成語和格言，也始終是中國語文的營養源泉。

孔子究竟留下了多少文化遺產，學術界對此是有爭議的。《論語》是唯一舉世公認、沒有爭議的孔子思想的代表作。這部記錄孔子言論的文本，由其弟子和再傳弟子們陸續編輯，歷經二十多年才得以完成，書中某些內容的重複和矛盾之處，卻無形中證明了《論語》沒有刻意的編造或篡改，它的真實性是靠得住的。¹ 因此，筆者謹以《論語》為研究資料，對《論語》中使用的語言文句進行整理、提取和排列。筆者發現，孔子在闡述“仁、義、禮、智、信”思想的時候，經常引用《詩經》，使用比喻和排比，從而形成生動形象的語文特色。這種生動形象的成語和格言在《論語》裡大量存在，它無疑對中國語言文化產生了深遠影響。

本文按照約定俗成的習語構成原則，從《論語》中整理出近 200 條成語和格言²，其中很多都已耳熟能詳。筆者按照這些文句在書中出現的順序，逐條列出，注明出典，並將出典原文輯錄於後，以便讀者查閱。

《論語》自戰國初年成書以來，經過 2000 多年的傳習和各代儒學家的注疏，特別是經過兩漢、唐宋、明清等各代學者的編輯和釋義，《論語》形成了多種不同時代的版本³。本文以中華書局出

1 可詳見：楊伯峻 撰《論語譯注》繁體版“導言”，中華書局 1980 年。

2 這個數字不是定論，因為理解上的差異，可能或多或少。

3 兩千多年來，《論語》的版本經歷了複雜的演變。西漢時有今文本的《魯論》和《齊論》，還有古文本的《古論》三種。西漢末年，安昌侯張禹根據《魯論》、參考《齊論》，編出定本，號《張侯論》。今本《論語》系東

版、楊伯峻注釋的《論語譯注》(1980年繁體版)為基本讀本，以其他有關《論語》的注釋文獻為參考讀本，⁴按序編錄。

相關的《論語》原文列於每個成語或格言之下；列於《論語》篇章後面的符號，例如“(1·3)”，表示：《論語》的第一篇之第三語段。其餘類推如下。

巧言令色：

《論語·學而篇第一》(1·3)、《論語·陽貨篇第十七》(17·17)：

子曰：“巧言令色，鮮矣仁！”

慎終追遠：

《論語·學而篇第一》(1·9)：曾子曰：“慎終追遠，民德歸厚矣。”

溫良恭儉讓：

《論語·學而篇第一》(1·10)：子禽問於子貢曰：“夫子至於是邦也，必聞其政，求之與？抑與之與？”子貢曰：“夫子溫、良、恭、儉、讓以得之。夫子之求之也，其諸異乎人之求之與？”

和為貴：

《論語·學而篇第一》(1·12)：有子曰：“禮之用，和為貴。先王之道，斯為美；小大由之。有所不行，知和而和，不以禮節之，亦不可行也。”

貧而無諂，富而無驕

切磋琢磨

告諸往而知來者：

《論語·學而篇第一》(1·15)：子貢曰：“貧而無諂，富而無驕，何如？”子曰：“可也。未若貧而樂，富而好禮者也。”子貢曰：“《詩》雲：‘如切如磋，如琢如磨’，其斯之謂與？”子曰：“賜也，始可與言《詩》已矣，告諸往而知來者。”

一言以蔽之：

《論語·為政篇第二》(2·2)：子曰：“《詩》三百，一言以蔽之，曰：思無邪。”

三十而立，四十不惑，五十知天命，六十而耳順：

《論語·為政篇第二》(2·4)：子曰：“吾十有五而志於學，三十而立，四十而不惑，五十而知天命，六十而耳順，七十二從心所欲，不逾矩。”

因材施教：

《論語·為政篇第二》(2·7)：子遊問孝。子曰：“今之孝者，是謂能養。至於犬馬，皆能有養；不敬，何以別乎？”

《論語·為政篇第二》(2·8)：子夏問孝。子曰：“色難。有事，弟子服其勞；有酒食，先生饌，曾是以為孝乎？”

在上述兩段話中，孔子分別回答弟子關於“孝”的問題，但解釋不一。對此，《朱熹集注》引【宋】程頤語：“子遊能養而或失於敬，子夏能直義而或少溫潤之色，各因其材之高下與其所失而

漢鄭玄混合《張侯論》和《古論》而成。今本《論語》共二十篇，內容有孔子談話，答弟子問，以及弟子之間的談話。在東漢，《論語》被列為七經之一。到宋代，朱熹把它與《大學》、《中庸》、《孟子》合為“四書”，成為科舉必讀書。今本《論語》的注釋本繁多，比較有名的有：【三國魏】何晏的《論語集解》，【南朝梁】黃侃的《論語義疏》，【宋】邢昺的《論語正義》，朱熹的《論語集注》，【清】劉寶楠的《論語正義》等。近人錢穆的《論語新解》、楊伯峻的《論語譯注》等讀本，在學術性和通俗性相結合方面受到相當的好評。

4 本文的參考文獻：【漢】班固 撰《漢書·藝文志》，中華書局2007年版；【宋】朱熹 撰《論語集注》，中華書局1983年版；【清】劉寶楠 撰《論語正義》，中華書局1990年版；【清】孔繼汾 撰《闕裡文獻考》，乾隆二十七年刻本；錢穆 撰《論語新解》，臺北，臺灣商務印書館1965年版；楊伯峻 撰《論語譯注》，中華書局1980年版。

告之，故不同也。”由此形成“因材施教”這個成語。

溫故知新：

《論語·為政篇第二》(2·11)：子曰：“溫故而知新，可以為師矣。”

君子不器：

《論語·為政篇第二》(2·12)：子曰：“君子不器。”

君子周而不比，小人比而不周：

《論語·為政篇第二》(2·14)：子曰：“君子周而不比，小人比而不周。”

學而不思則罔，思而不學則殆：

《論語·為政篇第二》(2·15)：子曰：“學而不思則罔，思而不學則殆。”

知之為知之，不知為不知：

《論語·為政篇第二》(2·17)：子曰：“由！誨女知之乎！知之為知之，不知為不知，是知也。”

慎言寡尤，慎行寡悔：

《論語·為政篇第二》(2·18)：子張學幹祿。子曰：“多聞闕疑，慎言其餘，則寡尤。多見闕殆，慎行其餘，則寡悔。言寡尤，行寡悔，祿在其中矣。”

舉直措枉：

《論語·為政篇第二》(2·19)：哀公問曰：“何為則民服？”孔子對曰：“舉直錯諸枉，則民服；舉枉錯諸直，則民不服。”

人而無信，不知其可：

《論語·為政篇第二》(2·22)：子曰：“人而無信，不知其可也。大車無輓，小車無軌，其何以行之哉？”

是可忍，孰不可忍：

《論語·八佾篇第三》(3·1)：孔子謂季氏：“八佾舞於庭，是可忍也，孰不可忍也？”

樂而不淫，哀而不傷：

《論語·八佾篇第三》(3·20)：子曰：“《關雎》，樂而不淫，哀而不傷。”

成事不說，遂事不諫，既往不咎：

《論語·八佾篇第三》(3·21)：哀公問社於宰我。宰我對曰：“夏後氏以松，殷人以柏，周人以栗，曰，使民戰慄。”子聞之，曰：“成事不說，遂事不諫，既往不咎。”

盡善盡美：

《論語·八佾篇第三》(3·25)：子謂《韶》：“盡美矣，又盡善也。”謂《武》：“盡美矣，未盡善也。”

君子喻于義，小人喻於利：

《論語·裡仁篇第四》(4·16)：子曰：“君子喻于義，小人喻於利。”

見賢思齊：

《論語·裡仁篇第四》(4·17)：子曰：“見賢思齊焉，見不賢而內自省也。”

父母在，不遠遊：

《論語·裡仁篇第四》(4·19)：子曰：“父母在，不遠遊，游必有方。”

德不孤，必有鄰：

《論語·裡仁篇第四》(4·25)：“德不孤，必有鄰。”

聞一知十；聞一知二：

《論語·公冶長篇第五》(5·9)：子謂子貢曰：“女與回也孰愈？”對曰：“賜也何敢望回？回也聞一以知十，賜也聞一以知二。”子曰：“弗如也；吾與女弗如也。”

朽木不可雕也

聽其言而觀其行：

《論語·公冶長篇第五》(5·10)：宰予晝寢。子曰：“朽木不可雕也，糞土之牆不可圻也；于予與何誅？”子曰：“始吾於人也，聽其言而信其行；今吾於人也，聽其言而觀其行。於予與改是。”

敏而好學，不恥下問：

《論語·公冶長篇第五》(5·15)：子貢問曰：“孔文子何以謂之‘文’也？”子曰：“敏而好學，不恥下問，是以謂之‘文’也。”

三思而後行：

《論語·公冶長篇第五》(5·20)：季文子三思而後行。子聞之，曰：“再，斯可矣。”

愚不可及：

《論語·公冶長篇第五》(5·21)：子曰：“甯武子，邦有道，則知；邦無道，則愚。其知可及也，其愚不可及也。”

斐然成章：

《論語·公冶長篇第五》(5·22)：子在陳，曰：“歸與！歸與！吾黨之小子狂簡，斐然成章，不知所以裁之。”

不堪其憂；不改其樂：

《論語·雍也篇第六》(6·11)：子曰：“賢哉，回也！一簞食，一瓢飲，在陋巷，人不堪其憂，回也不改其樂。賢哉，回也！”

文質彬彬：

《論語·雍也篇第六》(6·18)：子曰：“質勝文則野，文勝質則史。文質彬彬，然後君子。”

知之者不如好之者，好之者不如樂之者：

《論語·雍也篇第六》(6·20)：子曰：“知之者不如好之者，好之者不如樂之者。”

敬鬼神而遠之：

《論語·雍也篇第六》(6·22)：樊遲問知。子曰：“務民之義，敬鬼神而遠之，可謂知矣。”問仁。曰：“仁者先難而後獲，可謂仁矣。”

知者樂水，仁者樂山：

《論語·雍也篇第六》(6·23)：子曰：“知者樂水，仁者樂山。知者動，仁者靜。知者樂，仁者壽。”

博文約禮：

《論語·雍也篇第六》(6·27)、《論語·顏淵篇第十二》(12·15)：子曰：“君子博學于文，約之以禮，亦可以弗畔矣夫！”

述而不作，信而好古：

《論語·述而篇第七》(7·1)：子曰：“述而不作，信而好古，竊比于我老彭。”

學而不厭，誨人不倦：

《論語·述而篇第七》(7·2)：子曰：“默而識之，學而不厭，誨人不倦，何有於我哉？”

舉一反三：

《論語·述而篇第七》(7·8)：子曰：“不憤不啟，不悱不發。舉一隅不以三隅反，則不復也。”

暴虎馮河，死而無悔(馮(píng)河，無憑助而過河。比喻有勇無謀。)

臨事而懼，好謀而成：

《論語·述而篇第七》(7·11)：子謂顏淵曰：“用之則行，舍之則藏，惟我與爾有是夫！”子路曰：“子行三軍，則誰與？”子曰：“暴虎馮河，死而無悔者，吾不與也。必也臨事而懼，好謀而成者也。”

君子坦蕩蕩，小人常戚戚：

《論語·述而篇第七》(7·37)：曰：“君子坦蕩蕩，小人長戚戚。”

戰戰兢兢，如臨深淵，如履薄冰：

《論語·泰伯篇第八》(8·3)：曾子有疾，召門弟子曰：“啟予足！啟予手！《詩》雲：‘戰戰兢兢，如臨深淵，如履薄冰。’而今而後，吾知免夫！小子！”

鳥之將死，其鳴也哀

人之將死，其言也善：

《論語·泰伯篇第八》(8·4)：曾子有疾，孟敬子問之。曾子言曰：“鳥之將死，其鳴也哀；人之將死，其言也善。君子所貴乎道者三：動容貌，斯遠暴慢矣；正顏色，斯近信矣；出辭氣，斯遠鄙倍矣。籩豆之事，則有司存。”

任重道遠，死而後已：

《論語·泰伯篇第八》(8·7)：曾子曰“士不可以不弘毅，任重而道遠。仁以為己任，不亦重乎？死而後已，不亦遠乎？”

篤信好學，守死善道：

《論語·泰伯篇第八》(8·13)：子曰：“篤信好學，守死善道。危邦不入，亂邦不居。天下有道則見，無道則隱。邦有道，貧且賤焉，恥也。邦無道，富且貴焉，恥也。”

不在其位，不謀其政：

《論語·泰伯篇第八》(8·14)：子曰：“不在其位，不謀其政。”

循循善誘

欲罷不能：

《論語·子罕篇第九》(9·11)：顏淵喟然歎曰：“仰之彌高，鑽之彌堅。瞻之在前，忽焉在後。夫子循循然善誘之，博我以文，約我以禮，欲罷不能。既竭吾才，如有所立卓爾。雖欲從之。末由也矣。”

苗而不秀，秀而不實：

《論語·子罕篇第九》(9·22)：子曰：“苗而不秀者有矣夫！秀而不實者有矣夫！”

後生可畏：

《論語·子罕篇第九》(9·23)：子曰：“後生可畏，焉知來者之不如今也？四十、五十而無聞焉，斯亦不足畏也已。”

三軍可奪帥，匹夫不可奪志：

《論語·子罕篇第九》(9·26)：子曰：“三軍可奪帥也，匹夫不可奪志也。”

歲寒松柏：

《論語·子罕篇第九》(9·28)：子曰：“歲寒，然後知松柏之後凋也。”

知者不惑，仁者不憂，勇者不懼：

《論語·子罕篇第九》(9·29)：子曰：“知者不惑，仁者不憂，勇者不懼。”

《論語·憲問篇第十四》(14·28)：子曰：“君子道者三，我無能焉：仁者不憂，知者不惑，勇者不懼。”子貢曰：“夫子自道也。”

侃侃而言：

《論語·鄉黨篇第十》(10·2) 朝與下大夫言，侃侃如也；與上大夫言，誾誾如也。君在，蹀躞如也，與與如也。

食不厭精，膾不厭細：

《論語·鄉黨篇第十》(10·8)：食不厭精，膾不厭細。食饅而餽，魚餒而肉敗，不食。色惡，不食。臭惡，不食。失飪，不食。不時，不食。割不正，不食。不得其醬，不食。肉雖多，不使勝食氣。惟酒無量，不及亂。沽酒市脯不食。不撤薑食，不多食。

過猶不及：

《論語·先進篇第十一》(11·16)：子貢問：“師與商也孰賢？”子曰：“師也過，商也不及。”曰：“然則師愈與？”子曰：“過猶不及。”

鳴鼓而攻之：

《論語·先進篇第十一》(11·17)：季氏富於周公，而求也為之聚斂而附益之。子曰：“非吾徒也。小子鳴鼓而攻之可也。”

克己復禮

非禮勿視，非禮勿聽，非禮勿言，非禮勿動：

《論語·顏淵篇第十二》(12·1)：顏淵問仁。子曰：“克己復禮為仁。一日克己復禮，天下歸仁焉。為仁由己，而由人乎哉？”顏淵曰：“請問其目。”子曰：“非禮勿視，非禮勿聽，非禮勿言，非禮勿動。”顏淵曰：“回雖不敏，請事斯語矣。”

己所不欲，勿施於人：

《論語·顏淵篇第十二》(12·2)：仲弓問仁。子曰：“出門如見大賓，使民如承大祭。己所不欲，勿施於人。在邦無怨，在家無怨。”仲弓曰：“雍雖不敏，請事斯語矣。”

《論語·衛靈公篇第十五》(15·24)：子貢問曰：“有一言而可以終身行之者乎？”子曰：“其‘恕’乎！己所不欲，勿施於人。”

內省不疚：

《論語·顏淵篇第十二》(12·4)：司馬牛問君子。子問：“君子不憂不懼。”曰：“不憂不懼，斯謂之君子已乎？”子曰：“內省不疚，夫何憂何懼？”

死生有命，富貴在天

四海之內皆兄弟：

《論語·顏淵篇第十二》(12·5)：司馬牛憂曰：“人皆有兄弟，我獨亡。”子夏曰：“商聞之矣：死生有命，富貴在天。君子敬而無失，與人恭而有禮，四海之內皆兄弟也。君子何患乎無兄弟也？”

駟不及舌：

《論語·顏淵篇第十二》(12·8)：棘子成曰：“君子質而已矣，何以文為？”子貢曰：“惜乎，夫子之說君子也！駟不及舌。文猶質也，質猶文也。虎豹之鞞猶犬羊之鞞（kuò，皮革）。”

居之無倦，行之以忠：

《論語·顏淵篇第十二》(12·14)：子張問政。子曰：“居之無倦，行之以忠。”

君子成人之美：

《論語·顏淵篇第十二》(12·16)：子曰：“君子成人之美，不成人之惡。小人反是。”

子之不欲，賞之不竊：

《論語·顏淵篇第十二》(12·18)：季康子患盜，問於孔子。孔子對曰：“苟子之不欲，雖賞之不竊。”

風行草偃：

《論語·顏淵篇第十二》(12·19)：季康子問政於孔子曰：“如殺無道，以就有道，何如？”孔子對曰：“子為政，焉用殺？子欲善而民善矣。君子之德風，小人之德草。草上之風必偃。”

質直好義，察言觀色：

《論語·顏淵篇第十二》(12·20)：子張問：“士何如斯可謂之達矣？”子曰：“何哉，爾所謂達者？”子張對曰：“在邦必聞，在家必聞。”子曰：“是聞也，非達也。夫達也者，質直而好義，察言而觀色，慮以下人。在邦必達，在家必達。夫聞也者，色取仁而行違，居之不疑。在邦必聞，在家必聞。”

名正言順

手足無措

言無所苟：

《論語·子路篇第十三》(13·3)：子路曰：“衛君待子而為政，子將奚先？”子曰：“必也正名乎？”子路曰：“有是哉，子之迂也！奚其正？”子曰：“野哉，由也！君子于其所不知，蓋闕如也。名不正，則言不順；言不順，則事不成；事不成，則禮樂不興；禮樂不興，則刑罰不中；刑罰不中，則民無所措手足。故君子名之必可言也，言之必可行也。君子于其言，無所苟而已矣。”

一言興邦，一言喪邦：

《論語·子路篇第十三》(13·15)：定公問：“一言而可以興邦，有諸？”孔子對曰：“言不可以若是其幾也。人之言曰：‘為君難，為臣不易。’如知為君之難也，不幾乎一言而興邦乎？”曰：“一言而喪邦，有諸？”孔子對曰：“言不可以若是其幾也。人之言曰：‘予無樂乎為君，唯其言而莫予違也。’如其善而莫之違也，不亦善乎？如不善而莫之違也，不幾乎一言而喪邦乎？”

近悅遠來：

《論語·子路篇第十三》(13·16)：葉公問政。子曰：“近者說，遠者來。”

欲速則不達：

《論語·子路篇第十三》(13·17)：子夏為莒父宰。問政。子曰：“無欲速，無見小利。欲速，則不達；見小利，則大事不成。”

言必信，行必果

鬥筭之人：

《論語·子路篇第十三》(13·20)：子貢問曰：“何如斯可謂之士矣？”子曰：“行己有恥，使于四方，不辱君命，可謂士矣。”曰：“敢問其次。”曰：“宗族稱孝焉，鄉黨稱弟焉。”曰：“敢問其次。”曰：“言必信，行必果，硜硜然小人哉！抑亦可以為次矣。”曰：“今之從政者何如？”子曰：“噫！鬥筭之人，何足算也？”

另注：《孟子·告子上》：孟子曰：“大人者，言不必信，行不必果，惟義所在。”

君子和而不同，小人同而不和：

《論語·子路篇第十三》(13·23)：子曰：“君子和而不同，小人同而不和。”

求全責備：

《論語·子路篇第十三》(13·25)：子曰：“君子易事而難說也。說之不以道，不說也；及其使人也，器之。小人難事而易說也。說之雖不以道，說也；及其使人也，求備焉。”

《論語·微子篇第十八》(18·10)：周公謂魯公曰：“君子不施其親，不使大臣怨乎不以。故舊無大故，則不棄也。無求備於一人！”

泰而不驕：

《論語·子路篇第十三》(13·26)：子曰：“君子泰而不驕，小人驕而不泰。”

沒齒無怨：

《論語·憲問篇第十四》(14·9)：或問子產。子曰：“惠人也。”問子西。曰：“彼哉！彼哉！”問管仲。曰：“人也。奪伯氏駢邑三百，飯疏食，沒齒無怨言。”

見利思義，見危授命：

《論語·憲問篇第十四》(14·12)：子路問成人。子曰：“若臧武仲之知，公綽之不欲，卞莊子之勇，冉求之藝，文之以禮樂，亦可以為成人矣。”曰：“今之成人者何必然？見利思義，見危授命，久要不忘平生之言，亦可以為成人矣。”

譎而不正：

《論語·憲問篇第十四》(14·15)：子曰：“晉文公譎而不正，齊桓公正而不譎。”

一匡天下

被發左衽

匹夫之諒：

《論語·憲問篇第十四》(14·17)：子貢曰：“管仲非仁者與？桓公殺公子糾，不能死，又相之。”子曰：“管仲相桓公，霸諸侯，一匡天下，民到於今受其賜。微管仲，吾其被髮左衽矣。豈若匹夫匹婦之為諒也，自經於溝瀆而莫之知也？”

不在其位，不謀其政：

《論語·憲問篇第十四》(14·26)：子曰：“不在其位，不謀其政。”曾子曰：“君子思不出其位。”

言過其行：

《論語·憲問篇第十四》(14·27)：子曰：“君子恥其言之過其行。”

以德報怨

以直報怨

以德報德：

《論語·憲問篇第十四》(14·34)：或曰：“以德報怨，何如？”子曰：“何以報德？以直報怨，以德報德。”

修己安人：

《論語·憲問篇第十四》(14·42)：子路問君子。子曰：“作己以敬。”曰：“如斯而已乎？”曰：“修己以安人。”曰：“如斯而已乎？”曰：“修己以安百姓。修己以安百姓，堯舜其猶病諸？”

一以貫之：

《論語·衛靈公篇第十五》(15·3)子曰：“賜也，女以予為多學而識之者與？”對曰：“然。非與？”曰：“非也，予一以貫之。”

無為而治：

《論語·衛靈公篇第十五》(15·5)：子曰：“無為而治者其舜也與？夫何為哉？恭己正南面而已矣。”

注：又見老子《道德經·第三章》：“不尚賢，使民不爭。不貴難得之貨，使民不為盜。不見可欲，使民心不亂。是以聖人之治，虛其心，實其腹，弱其志，強其骨；常使民無知、無欲，使夫智者不敢為也。為無為，則無不治。”

言忠信，行篤敬：

《論語·衛靈公篇第十五》(15·6)：子張問行。子曰：“言忠信，行篤敬，雖蠻貊之邦，行矣。言不忠信，行不篤敬，雖州裡，行乎哉？立則見其參於前也，在輿則見其倚於衡也，夫然後行。”子張書諸紳。

志士仁人，殺身成仁：

《論語·衛靈公篇第十五》(15·9)：子曰：“志士仁人，無求生以害仁，有殺身以成仁。”

工欲善其事，必先利其器：

《論語·衛靈公篇第十五》(15·10)：子貢問為仁，子曰：“工欲善其事，必先利其器。居是邦也，事其大夫之賢者，友其士之仁者。”

人無遠慮，必有近憂：

《論語·衛靈公篇第十五》(15·12)：子曰：“人無遠慮，必有近憂。”

群居終日，言不及義：

《論語·衛靈公篇第十五》(15·17)：子曰：“群居終日，言不及義，好行小慧，難矣哉！”

矜而不爭，群而不黨：

《論語·衛靈公篇第十五》(15·22)：子曰：“君子矜而不爭，群而不黨。”

以言舉人，以人廢言：

《論語·衛靈公篇第十五》(15·23)：子曰：“君子不以言舉人，不以人廢言。”

巧言亂德

小不忍則亂大謀：

《論語·衛靈公篇第十五》(15·27)：子曰：“巧言亂德。小不忍，則亂大謀。”

眾惡必察，眾好必察：

《衛論語·靈公篇第十五》(15·28)：子曰：“眾惡之，必察焉；眾好之，必察焉。”

君子謀道不謀食：

《論語·衛靈公篇第十五》(15·32)：子曰：“君子謀道不謀食。耕也，餒在其中矣；學也，祿在其中矣。君子憂道不憂貧。”

當仁不讓：

《論語·衛靈公篇第十五》(15·36)：子曰：“當仁，不讓於師。”

貞而不諒：

《論語·衛靈公篇第十五》(15·37)：子曰：“君子貞而不諒。”

有教無類：

《論語·衛靈公篇第十五》(15·39)：子曰：“有教無類。”

道不同不相為謀：

《論語·衛靈公篇第十五》(15·40)：子曰：“道不同不相為謀。”

虎兕出柙，龜玉毀櫝（兕 sì，獨角犀；柙 xiá，獸籠；櫝 dú，匣子。此语比喻監守失職。）

不患寡而患不均，不患貧而患不安

既來之，則安之

分崩離析，謀動干戈

季孫之憂，蕭牆之禍：

《論語·季氏篇第十六》(16·1)：季氏將伐顓臾。冉有、季路見於孔子曰：“季氏將有事於顓臾。”孔子曰：“求！無乃爾是過與？夫顓臾，昔者先王以為東蒙主，且在邦域之中矣，是社稷之臣也。何以伐為？”

冉有曰：“夫子欲之，吾二臣者皆不欲也。”

孔子曰：“求！周任有言曰：‘陣力就列，不能者止。’危而不持，顛而不扶，則將焉用彼相矣？且爾言過矣。虎兕出於柙，龜玉毀於櫝中，是誰之過與？”

冉有曰：“今夫顓臾，固而近於費。今不取，後世必為子孫憂。”

孔子曰：“求！君子疾夫舍曰‘欲之’而必為之辭。丘也聞有國有家者，不患寡而患不均，不患貧而患不安。蓋均無貧，和無寡，安無傾。夫如是，故遠人不服，則修文德以來之。既來之，則安之。今由與求也，相夫子，遠人不服而不能來也，邦分崩離析而不能守也，而謀動干戈於邦內。吾恐季孫之憂，不在顓臾，而在蕭牆之內也。”

少年戒色，壯年戒鬥，老年戒得：

《論語·季氏篇第十六》(16·7)：孔子曰：“君子有三戒：少之時，血氣未定，戒之在色；及其壯也，血氣方剛，戒之在鬥；及其老也，血氣既衰，戒之在得。”

見得思義：

《論語·季氏篇第十六》(16·10)：孔子曰：“君子有九思：視思聰，色思溫，貌思恭，言思忠，事思敬，疑思問，忿思難，見得思義。”

《論語·子張篇第十九》(19·1)：子張曰：“士見危致命，見得思義，祭思敬，喪思哀，其可已矣。”

性相近，習相遠：

《論語·陽貨篇第十七》(17·2)：子曰：“性相近也，習相遠也。”

唯上知與下愚不移：

《論語·陽貨篇第十七》(17·3)：子曰：“唯上知與下愚不移。”

割雞焉用牛刀：

《論語·陽貨篇第十七》(17·4)：子之武城，聞弦歌之聲。夫子莞爾而笑，曰：“割雞焉用牛刀？”子遊對曰：“昔者偃也聞諸夫子曰：‘君子學道則愛人，小人學道則易使也。’”子曰：“二三子！偃之言是也。前言戲之耳。”

恭寬信敏惠：

《論語·陽貨篇第十七》(17·6)：子張問仁於孔子。孔子曰：“能行五者於天下，為仁矣。”“請問之。”曰：“恭寬信敏惠。恭則不侮，寬則得眾，信則人任焉，敏則有功，惠則足以使人。”

磨而不磷，涅而不緇（磷 lín，薄也；涅 nīē，染也；緇 zī，黑也。此语比喻品格高尚，不受環境影響。）：

《論語·陽貨篇第十七》(17·7)：佛肸(xī)召，子欲往。子路曰：“昔者由也聞諸夫子曰：‘親於其身為不善者，君子不入也。’佛肸以中牟畔，子之往也，如之何？”子曰：“然。有是言也。不曰堅乎，磨而不磷；不曰白乎，涅而不緇。吾豈匏瓜也哉？焉能系而不食？”

牆面而立：

《論語·陽貨篇第十七》(17·10)：子謂伯魚曰：“女為《周南》、《召南》矣乎？人而不為《周南》、《召南》，其猶正牆面而立也與？”《尚書·周官》：“人而不學，其猶正牆面而立。”

色厲內荏：

《論語·陽貨篇第十七》(17·12)：曰：“色厲而內荏，譬諸小人，其猶穿窬之盜也與？”

道聽塗說：

《論語·陽貨篇第十七》(17·14)：子曰：“道聽而塗說，德之棄也。”

患得患失：

《論語·陽貨篇第十七》(17·15)：子曰：“鄙夫可與事君也與哉？”其未得之也，患得之，既得之，患失之，苟患失之，無所不至矣。”

惡紫奪朱：

《論語·陽貨篇第十七》(17·18)：子曰：“惡紫之奪朱也，惡鄭聲之亂雅樂也，惡利口之覆邦家者。”

禮崩樂壞：

《論語·陽貨篇第十七》(17·21)：宰我問：“三年之喪，期已久矣。君子三年不為禮，禮必壞；三年不為樂，樂必崩。舊穀既沒，新穀既升，鑽燧改火，期可已矣。”子曰：“食夫稻，衣夫錦，于女安乎？”曰：“安。”“女安，則為之。夫君子之居喪，食旨不甘，聞樂不樂，居處不安，故不為也。今女安，則為之！”宰我出。子曰：“予之不仁也！子生三年，然後免于父母之懷。夫三年之喪，天下之通喪也。予也有三年之愛于其父母乎？”

飽食終日，無所用心：

《論語·陽貨篇第十七》(17·22)：子曰：“飽食終日，無所用心，難矣哉！不有博弈者乎？為之，猶賢乎已。”

君子尚勇，義以為上：

《論語·陽貨篇第十七》(17·23)：子路曰：“君子尚勇乎！”子曰：“君子義以為上。君子有勇而無義為亂，小人有勇而無義為盜。”

唯女子與小人為難養也：

《論語·陽貨篇第十七》(17·25)：子曰：“唯女子與小人為難養也，近之則不遜，遠之則怨。”

往者不諫，來者可追

趨而避之，不得與言：

《論語·微子篇第十八》（18·5）：楚狂接輿歌而過孔子曰：“鳳兮鳳兮！何德之衰？往者不可諫，來者猶可追。已而！已而！今之從政者殆而！”孔子下，欲與之言。趨而辟之，不得與之言。

四體不勤，五穀不分：

《論語·微子篇第十八》（18·7）：子路從而後，遇丈人，以杖荷蓀。子路問曰：“子見夫子乎？”丈人曰：“四體不勤，五穀不分，孰為夫子？”植其杖而芸。子路拱而立。止子路宿，殺雞為黍而食之，見其二子焉。明日，子路行以告。子曰：“隱者也。”使子路反見之。至，則行矣。子路曰：“不仕無義。長幼之節，不可廢也；君臣之義，如之何其廢之？欲潔其身，而亂大倫。君子之仕也，行其義也。道之不行，已知之矣。”

見危致命，見得思義：

《論語·子張篇第十九》（19·1）：子張曰：“士見危致命，見得思義，祭思敬，喪思哀，其可已矣。”

博學篤志，切問近思：

《論語·子張篇第十九》（19·6）：子夏曰：“博學而篤志，切問而近思，仁在其中矣。”

學以致道：

《論語·子張篇第十九》（19·7）：子夏曰：“百工居肆以成其事，君子學以致其道。”

信而後諫：

《論語·子張篇第十九》（19·10）：子夏曰：“君子信而後勞其民，未信則以為厲己也。信而後諫，未信則以為謗己也。”

學而優則仕：

《論語·子張篇第十九》（19·13）：子夏曰：“仕而優則學，學而優則仕。”

哀矜勿喜：

《論語·子張篇第十九》（19·19）：孟氏使陽膚為士師，問于曾子。曾子曰：“上失其道，民散久矣。如得其情，則哀矜而勿喜！”

君子惠而不費，勞而不怨，欲而不貪，泰而不驕，威而不猛：

《論語·堯日篇第二十》（20·2）：子張問於孔子曰：“何如斯可以從政矣？”子曰：“尊五美，屏四惡，斯可以從政矣。”子張曰：“何謂五美？”子曰：“君子惠而不費，勞而不怨，欲而不貪，泰而不驕，威而不猛。”子張曰：“何謂惠而不費？”子曰：“因民之所利而利之，斯不亦惠而不費乎？擇可勞而勞之，又誰怨？欲仁而得仁，又焉貪？君子無眾寡，無小大，無敢慢，斯不亦泰而不驕乎？君子正其衣冠，尊其瞻視，儼然人望而畏之，斯不亦威而不猛乎？”子張曰：“何謂四惡？”子曰：“不教而殺謂之虐；不戒視成謂之暴；慢令致期謂之賊；猶之與人也，出納之吝謂之有司”。

不知命，無以為君子

不知禮，無以立

不知言，無以知人：

《論語·堯日篇第二十》（20·3）：孔子曰：“不知命，無以為君子也；不知禮，無以立也；不知言，無以知人。”

• 完 •